



Broj: 02- 2011/25

Dana: 23.06.2025. godine

Na osnovu člana 100. stav (3) Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24) i člana 115. Statuta Univerziteta u Sarajevu (br. 01-14-35-1/23 od 26.07.2023. godine), a na preporuku Komisije za provođenje postupka javne nabavke roba: Kompjuterska oprema i potrepštine putem otvorenog postupka, dekan Univerziteta u Sarajevu - Elektrotehničkog fakulteta, *donosi*

**ODLUKU
o usvajanju žalbe**

Član 1.

Usvaja se žalba firme „Gradpromi“ d. o. o. Srbac, zastupan po punomoćniku Mile Antičić, advokatu iz Banja Luke, Veselina Masleše bb, 78000 Banja Luka od 18.06.2025. godine (zaprimljena kod Ugovornog organa dana 19.06.2025. putem pošte) izjavljenoj na Tendersku dokumentaciju broj: 02-1886/25 od 11.06.2025. godine za javnu nabavku roba: Kompjuterska oprema i potrepštine.

Usvaja se zahtjev Žalioca za naknadu troškova žalbenog postupka koji se sastoji od troškova sastava žalbe u ukupnom iznosu **987,18 KM** (sastav žalbe 675,00 KM, paušal 25% u iznosu 168,75 KM i PDV 17% u iznosu 143,43 KM). Ugovorni organ će Žaliocu nadoknaditi navedene troškove u roku od 15 (petnaest) dana od dana prijema ove Odluke.

Član 2.

Mijenja se član 14. Tenderske dokumentacije u dijelu:

U svrhu dokazivanja uslova ponuđač je dužan dostaviti sljedeće dokumente uz svoju ponudu:

a) Ponuđač je dužan dostaviti spisak izvršenih ugovora (referens listu) predmetne nabavke kompjuterska oprema i potrepštine odnosno čiji je karakter i kompleksnost adekvatan predmetnoj nabavci, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži minimalno 1 (jedan) ili više ugovora čija je ukupna vrijednost srazmjerna procijenjenoj vrijednosti lota. Uz spisak izvršenih ugovora (referens listu), obavezno se dostavljaju potvrde o uspješnoj realizaciji ugovora, koje daje druga ugovorna strana, a koje obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Član 3.

Ova odluka stupa na snagu danom donošenja.

Obrazloženje

Na osnovu Odluke o pokretanju postupka javne nabavke broj: 1882/25 od 11.06.2025. godine, Univerzitet u Sarajevu - Elektrotehnički fakultet je pokrenuo otvoreni postupak za dostavljanje ponuda za javnu nabavku roba: Kompjuterska oprema i potrepštine za potrebe Univerziteta u Sarajevu - Elektrotehničkog fakulteta.

Za provođenje postupka predmetne javne nabavke, Odlukom broj: 02-1883/25 od 11.06.2025. godine, imenovana je Komisija za javnu nabavku.

Obavještenje o nabavci broj: 29326-1-1-22-3-18/25 objavljeno je na Portalu javnih nabavki dana 18.06.2025. godine.

Iz evidencije o preuzetoj tenderskoj dokumentaciji kreiranoj na Portalu javnih nabavki evidentirano je preuzimanje Tenderske dokumentacije broj: 02-1886/25 od strane ponuđača „Gradprom“ d. o. o. Srbac dana 18.06.2025. godine.

Dana 19.06.2025. godine Ugovornom organu je putem pošte dostavljena žalba potencijalnog ponuđača „Gradprom“ d. o. o. Srbac, izjavljena putem punomoćnika Mile Antić, advokata iz Banja Luke, Veselina Masleše bb, 78000 Banja Luka.

Nakon zaprimanja žalbe Komisija je pristupila ocjeni blagovremenosti, dopuštenosti te da li je žalba izjavljena od ovlaštenog lica.

U ocjeni blagovremenosti žalbe Komisija je utvrdila da ista blagovremena, obzirom da je dostavljena Ugovornom organu putem pošte 19.06.2025. godine, što je u skladu sa članom 101. stav (1) tačka a) Zakona o javnim nabavkama BiH („Službeni glasnik BiH“ broj: 39/14, 59/22 i 50/24), kojim je utvrđeno da se žalba može izjaviti najkasnije 10 (deset) dana od dana objave tenderske dokumentacije.

U skladu sa članom 97. Zakona o javnim nabavkama utvrđeno je da žalbu može podnijeti svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke.

Žalbu je Žalitelj podnio u svojstvu potencijalnog ponuđača u postupku javne nabavke, te je Ugovorni organ utvrdio da je žalba dopuštena.

Žalba je izjavljena od punomoćnika Žalitelja „Gradprom“ d. o. o. Srbac, zastupan po punomoćniku Mile Antić, advokatu iz Banja Luke, Veselina Masleše bb, 78000 Banja Luka od 18.06.2025. godine (zaprimljena kod Ugovornog organa dana putem pošte 19.06.2025. godine, koji je dostavio punomoć za zastupanje bez broja od 18.06.2025. godine, te je u skladu s tim Ugovorni organ utvrdio da je žalba izjavljena od ovlaštenog lica.

Žalitelj u svojoj žalbi navodi: Ugovorni organ dana 18.06.2025. godine na Portalu javnih nabavki objavio je obavještenje o nabavci i tendersku dokumentaciju.

Tenderskom dokumentacijom (strana 4.) propisano je:

5. Podaci o postupku javne nabavke

5.1 Vrsta postupka javne nabavke: Otvoreni postupak

5.2 Procijenjena vrijednost javne nabavke (bez uključenog PDV): 69.000,00 KM

Tenderskom dokumentacijom (strana 5.) propisano je:

7. Opis i oznaka lotova

Ukupna procijenjena vrijednost nabavke (bez PDV-a) predstavlja zbir svih lotova i iznosi 69.000,00 KM (slovima: šezdesetdevet hiljada i 00/100 KM), dok vrijednost za svaki pojedinačni LOT iznosi:

- | | | | |
|--|----|-------|--------------------------|
| • LOT | 1 | – | LAPTOP |
| Oznaka | iz | JRJN: | CPV: 30213100-6 (Laptop) |
| Procijenjena vrijednost (bez uključenog PDV) iznosi: 2.564,00 KM | | | |

- LOT 2 – TABLET
Oznaka iz JRJN: CPV: 30213200-7 (Tablet kompjuteri)
Procijenjena vrijednost (bez uključenog PDV) iznosi: 1.358,00 KM
- LOT 3 – RAZNA KOMPJUTERSKA OPREMA
Oznaka iz JRJN: CPV: 30236000-2 (Razna kompjuterska oprema)
Procijenjena vrijednost (bez uključenog PDV) iznosi: 12.820,00 KM
- LOT 4 – PROJEKTORI
Oznaka iz JRJN: CPV: 38652100-1 (Projektori)
Procijenjena vrijednost (bez uključenog PDV) iznosi: 15.000,00 KM
- LOT 5 – RADNE STANICE
Oznaka iz JRJN: CPV: 30214000-2 (Radna stanica)
Procijenjena vrijednost (bez uključenog PDV) iznosi: 18.670,00 KM
- LOT 6 – OPREMA ZA ODSJEK ZA RAČUNARSTVO I INFORMATIKU
Oznaka iz JRJN: CPV: 30000000-9 (Kancelarijske i kompjuterske mašine, oprema i potrepštine osim namještenja i paketa programske podrške)
Procijenjena vrijednost (bez uključenog PDV) iznosi: 18.088,00 KM

Dalje, tenderskom dokumentacijom propisano je:

„u skladu sa članom 48. i 49. ZJN, ponuđači trebaju ispuniti sljedeće minimalne uslove:

a) da imaju uspješno iskustvo u realizaciji najmanje jednog ugovora čija vrijednost nije manja od 69.000,00 KM bez uračunatog PDV-a, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine;

b) da posjeduju brošuru ili katalog za ponuđenu robu, kojim se jasno opisuju tehničke i funkcionalne karakteristike ponuđenog modela. (teh. specifikacija proizvoda).“

U svrhu dokazivanja uslova ponuđač je dužan dostaviti sljedeće dokumente uz svoju ponudu:

a) Ponuđač je dužan dostaviti spisak izvršenih ugovora (referens listu) predmetne nabavke kompjuterska oprema i potrepštine odnosno čiji je karakter i kompleksnost adekvatan predmetnoj nabavci, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži minimalno 1 (jedan) ili više ugovora čija ukupna vrijednost iznosi najmanje 69.000,00 KM bez uračunatog PDV-a. Uz spisak izvršenih ugovora (referens listu), ponuđači dostavljaju potvrde o uspješnoj realizaciji ugovora, koje daje druga ugovorna strana, a koje obavezno sadrže: nazivi i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. Spisak izvršenih ugovora ponuđač dostavlja na memorandum firme sa potpisom ovlaštenog lica. Potvrde se dostavljaju u originalu ili ovjerenoj kopiji.“

Navedene odredbe tenderske dokumentacije propisane su suprotno odredbama Zakona o javnim nabavkama.

Ugovorni organ zahtijeva da je ponuđač dužan dostaviti spisak izvršenih ugovora (referens listu) predmetne nabavke kompjuterska oprema i potrepštine odnosno čiji je karakter i kompleksnost adekvatna...

...kompleksnost adekvatan predmetnoj nabavci, u posljednje 3 (tri) godine ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži minimalno 1 (jedan) ugovor čija ukupna vrijednost iznosi najmanje 69.000,00 KM bez uračunatog PDV-a. Uz spisak izvršenih ugovora (referens listu) ugovorni organ zahtijeva i dostavljanje potvrde o uspješnoj realizaciji ugovora, koje daje druga ugovorna strana, a koje obavezno sadrže: nazivi i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima.

Članom 44. stav (3) ZJN propisano je:

“Minimum kvalifikacionih uslova koje ugovorni organ odredi za kandidate/ponuđače, kao i dokumenti koji su potrebni za njihovo dokazivanje obavezno treba da budu srazmjerni predmetu javne nabavke i u skladu s njim”.

Članom 7. stav (4) Uputstva za pripremu modela standardne tenderske dokumentacije i ponuda (primjena uputstva je propisana odredbama člana 53. stav (4) ZJN) propisano je:

"Ako ugovorni organ od kandidata/ponuđača kao dokaz tehničke i profesionalne sposobnosti traži popis ugovora, smatra se da je uslov:

a) u vezi sa predmetom javne nabavke, odnosno grupom predmeta nabavke, ako se traži dokaz o izvršenju istog ili sličnog, odnosno sličnih ugovora, koji su predmet nabavke, odnosno lota, te
b) srazmjernan predmetu nabavke, odnosno lotu, u sljedećim slučajevima:

1. kada je broj dokaza o izvršenju jednog ugovora, ako njegov iznos nije viši od procijenjene vrijednosti nabavke, odnosno procijenjene vrijednosti grupe predmeta nabavke odnosno lota,
2. kada je traženi dokaz o izvršenju više ugovora, ako njihov zbirni iznos nije viši od procijenjene vrijednosti nabavke, odnosno od procijenjene vrijednosti pojedinog lota."

Predmet nabavke podijeljen je na 7. lotova gdje procijenjena vrijednost za:

- LOT 1 = 2.564,00 KM
- LOT 2 = 1.358,00 KM
- LOT 3 = 12.820,00 KM
- LOT 4 = 15.000,00 KM
- LOT 5 = 18.670,00 KM
- LOT 6 = 18.088,00 KM

...a ugovorni organ u smislu dokazivanja tehničke i profesionalne sposobnosti zahtijeva uspješno iskustvo u realizaciji jednog (1) ugovora u posljednje 3 (tri) godine čija ukupna vrijednost iznosi najmanje 69.000,00 KM bez uračunatog PDV-a, što iznosi više od 50 puta više od procijenjene vrijednosti nabavke za LOT br. 2 ili 26 puta više od procijenjene vrijednosti nabavke za LOT br. 1 itd. Navedeni postupanjem postavljeni su uslovi koji nisu srazmjerni predmetu javne nabavke, odnosno uslovi koji imaju ograničavajući karakter na konkurenciju, čime je ugovorni organ postupio suprotno odredbama člana 44. stav (3) ZJN, te je ugovorni organ postupio i suprotno osnovnim principima iz člana 3. Zakona o javnim nabavkama.

Ugovorni organ je razmatrajući žalbeni navod utvrdio da je isti OSNOVAN, te će izvršiti izmjenu člana 14. Tenderske dokumentacije putem Portala javnih nabavki.

Žalilac je u svojoj žalbi postavio zahtjev za naknadu troškova pravnog zastupanja/sastava žalbe po punomoćniku/advokatu Mile Antičić, advokatu iz Banja Luke, Veselina Masleše bb, 78000 Banja Luka, u iznosu 675,00 KM, paušal 25% u iznosu 168,75 KM, PDV 17% u iznosu 143,43 KM i administrativnu taksu, što ukupno iznosi 1.037,18 KM.

S obzirom na utvrđenu osnovanost predmetne žalbe žalioca, istom pripada pravo na naknadu troškova sastava žalbe u iznosu od 675,00 KM (primjenom tar. br. 3 Tarife o nagradama i naknadi troškova za rad advokata RS) uvećan za pripadajući PDV-a u iznosu od 143,43 KM, paušal 25% što ukupno iznosi 168,75 KM, dok se zahtjev za naknadu administrativne takse u iznosu od 50,00 KM, odbija kao neosnovan, jer nije dostavljen dokaz o uplati.

POUKA O PRAVNOM LIJEKU:

Žalba na Odluku o usvajanju žalbe izjavljuje se Uredu za razmatranje žalbi putem ugovornog organa u roku od 10 (deset) dana od dana prijema Odluke.



DEKAN

Prof. dr. Jasmin Velagić

Akt obradila i kontrolisala: Nejra Alfirević Fočo
Akt odobrio: Prof. dr. Senad Huseinbegović

Zbog odsustva sekretarke Univerziteta u Sarajevu - Elektrotehničkog fakulteta, Aide Sarajlić Ovčina, šefica Službe za računovodstvo i finansije Edisa Palavra, potvrđuje da je prijedlog Odluke u skladu sa zakonskim i podzakonskim propisima koji su na snazi, te da je dekan Univerziteta u Sarajevu - Elektrotehničkog fakulteta nadležan da donošenje iste shodno članu 71. stav (5) Zakona o visokom obrazovanju ("Službene novine Kantona Sarajevo", broj: 36/22) i člana 115. Statuta Univerziteta u Sarajevu.

Dostaviti:

1. Mile Antičić, advokatu iz Banja Luke, Veselina Masleše bb, 78000 Banja Luka
2. Služba za javne nabavke
3. Služba za računovodstvo i finansije